

ჩვენი გაზეთი იუბილარია, 90 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი, გაზეთი „ჩხარის კოლმეურნე“.



90 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“
ვახუშტი ბაგრატიონი

თერჯოლა

Facebook გაზეთი თერჯოლა
www.nplg.gov.ge
www.terjola.gov.ge

საზოგადოებრივი გაზეთი • გამოდის 1933 წლიდან • №4 (7103) 15 თებერვალი 2024 წელი

და, ვინ იცის, კიდევ რას გვიპირებს გააფებული ბუნება...

წლევანდელი წლის თებერვლის თვის პირველი დეკადის დღეები (6-7 თებერვალი), ჩვენდა სამწუხაროდ, მორიგ ტრაგიკულ დღეებად შევა ქვეყნის უახლეს ისტორიაში...

დასავლეთ საქართველოში, გადაუდებელი წვიმების სახით მოსულმა უხვმა ნალექმა, მთელი რიგ რეგიონებში—განსაკუთრებით კი აჭარაში, გურიაში, სამეგრელოსა და იმერეთში გამოიწვია მძვინვარე პროცესების გააქტიურება, წყალდიდობები...

სამწუხაროდ, ამ საშიშმა პროცესებმა უმძიმესი ტრაგიკული შედეგები მოგვიტანა, დაიღუპნენ უდანაშაულო ადამიანები...

უმძიმესად ტრაგიკული ვითარება შეიქმნა იმერეთში—ბაღდათის რაიონის სოფელ ნერგეთში, სადაც მძვინვარე მთლიანად ჩამარხა ოთხი ოჯახი.

მეზანძრე-მაშველებმა თავგანწირული მუშაობით შეძლეს, რომ ამ ოჯახებიდან ცხრა დაღუპული მოეძებნათ.

ასეთი ტრაგედიის გამო გლოვობს სრულიად საქართველო, სოფელი ნერგეთი, ბაღდათის მუნიციპალიტეტი. ჩვენც, თერჯოლელებიც, დიდი გულითკივილით და წუხილით თანაგრძობით მათ, დაღუპულთა ოჯახებს, ახლობლებს.

ამ ტრაგედიის გამო სამძიმარი პირადად გამოხატა მუნიციპალიტეტის მერმა მანუჩარ რობაქიძემ. მუნიციპალიტეტის საკრებულოს სხდომაზე კი, რომელიც 7 თებერვალს გაიმართა, საკრებულოს თავმჯდომარის გია ბარათაშვილის წინა-

დადებით, საკრებულოს სხდომის ყველა მონაწილემ, საკრებულოს წევრებმა, მუნიციპალიტეტის მერმა და საკრებულოს სხდომაზე დამსწრე სხვა ხელმძღვანელმა პირებმა წუთიერი დუმილით მიაგეს პატივი ტრაგიკულად დაღუპულთა ხსოვნას.

გლოვის დღეებში ბაღდათში, სოფელ ნერგეთში ჩავიდა პრემიერ-მინისტრი ირაკლი კობახიძე თანმხლებ პირებთან ერთად.

ისინი იმყოფებოდნენ ჯერ სტიქიის ზონაში, შემდეგ კი იმ ოთხ ოჯახში, სადაც დაღუპულთა ცხედრებია დასვენებული. მათ დაღუპულთა ახლობლებს სამძიმარი გამოუცხადეს და თანადგომა აღუთქვეს.

ბაღდათის ამ სოფელში მძვინვარე 7 თებერვალს, ღამის ორ საათზე ჩამოწვა და 4 საცხოვრებელი სახლი მოიყოლა, სადაც ჯამში 10 ადამიანი იმყოფებოდა, აქედან მაშველებმა ერთი მამაკაცის გადარჩენა შეძლეს. ნაპოვნია 9 ადამიანის ცხედარი, აქედან 3 არასრულწლოვანია და ერთი 20 წლის სტუდენტი გოგონა.

სტიქიის ეპიცენტრში, სამძებრო სამუშაოებს საგანგებო სიტუაციების მართვის სამსახურის 200-ზე მეტი მაშველი, შესაბამისი აღჭურვილობით, ტექნიკით, მცურავი საშუალებებითა და დროებით უწყვეტ რეჟიმში

საქართველოს კათოლიკოს-პატრიარქის სამოხაო ეპისტოლე მეორე ნაწილი 7 იანვარი—ქრისტეშობა, 2024 წელი



ჩვენი გაზეთის წინა ნომერში („თერჯოლა“ №3. 1 თებერვალი, 2024 წელი), გაგაცანით უწმინდესისა და უნეტარესის, საქართველოს კათოლიკოს-პატრიარქის 2024 წლის სამოხაო ეპისტოლეს პირველი ნაწილი, რომელიც ეძღვნება ქრისტეშობამდელ პერიოდს და ქრისტეს შობას. ამჯერად კი გთავაზობთ ეპისტოლეს მეორე ნაწილს, რომელიც ეხება ქრისტიანული სარწმუნოების უდიდეს წვლილს მსოფლიო ისტორიაში.



ამბავი თერჯოლის მუნიციპალიტეტიდან...

თერჯოლის მუნიციპალიტეტის საკრებულოში

2024 წლის 7 თებერვალს, გაიმართა თერჯოლის მუნიციპალიტეტის საკრებულოს მორიგი სხდომა, რომელსაც საკრებულოს თავმჯდომარე, გიორგი ბარათაშვილი ხელმძღვანელობდა. სხდომის დაწყებისას, საკრებულოს თავმჯდომარემ, გიორგი ბარათაშვილმა, ბაღდათის მუნიციპალიტეტის სოფელ ნერგეთში მძვინვარის ჩამონოლის შედეგად დაღუპულთა ოჯახებსა და ახლობლებს სამძიმარი გამოუცხადა. საკრებულოს წევრებმა და დამსწრე საზოგადოებამ წუთიერი დუმილით, პატივი მიაგეს გარდაცვლილთა ხსოვნას.

თერჯოლის მუნიციპალიტეტის 2024 წლის სოციალური პროგრამები

„თერჯოლის“ წინა ნომერში დავინწყეთ თერჯოლის მუნიციპალიტეტის 2024 წლის სოციალური პროგრამების გამოქვეყნება, რომლებიც მუნიციპალიტეტის საკრებულომ 2024 წლის 10 იანვრის სხდომაზე დაამტკიცა.

დამტკიცებული 14 სოციალური პროგრამიდან, ჩვენი გაზეთის წინა ნომერში შემოგთავაზეთ ცხრა პროგრამა, დღევანდელი გაზეთის მე-5, 6 გვერდებზე კი გთავაზობთ დანარჩენ 5 პროგრამას.

ამბები თერჯოლის მუნიციპალიტეტიდან

და, ვინ იცის, კიდევ რას გვიბირებს გაავებული ბუნება...

რუბრიკით: „ამბები თერჯოლის მუნიციპალიტეტიდან“ გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

მერის ახალი ინიციატივა მოსახლეობის ჩართულობით

გასულ კვირაში, თერჯოლის მუნიციპალიტეტის მერმა, მანუჩარ რობაქიძემ ადმინისტრაციულ ერთეულებში მერის წარმომადგენლებთან, ა(ა)იპების და სამსახურების ხელმძღვანელებთან მორიგი სამუშაო შეხვედრა გამართა.

შეხვედრაზე, მუნიციპალიტეტის მერმა სოფელ ზედა სიმონეთში მერის ახალ წარმომადგენელად—მერაბ ბაზაძე წარადგინა.



თერჯოლის მუნიციპალიტეტის მერმა ადმინისტრაციული ერთეულების წარმომადგენლებისგან სოფლებში არსებული საჭიროებების შესახებ მიიღო ინფორმაცია. მანუჩარ რობაქიძემ წარმომადგენლებს დაავალა, თითოეულ დასახლებაში, იმ დაზიანებული საგზაო მონაკვეთების მოძიება და შესწავლა, სადაც მუნიციპალიტეტის მერია, ტენდერის გამოცხადებისა და სატენდერო წინადადებების განხილვის შემდეგ, 300 მ² ბეტონის საფარს დააგებს მოსახლეობის ჩართულობით.

აღნიშნული ინიციატივა, რომელიც მიმდინარე წელს საპილოტე რეჟიმში განხორციელდება, მანუჩარ რობაქიძემ პირველად „სოფლის მხარდაჭერის პროგრამის“ ფარგლებში ჩატარებულ სოფლის კრებებზე გააჟღერა.

თერჯოლის მუნიციპალიტეტის მერმა, მანუჩარ რობაქიძემ, მოადგილეებთან, ზვიად ბაზაძესთან და მირზა ქოჩიაშვილთან ერთად ასევე მოისმინა ინფორმაცია მერის ა(ა)იპებისა და სამსახურებში არსებული მდგომარეობის შესახებ.

სამუშაო თათბირზე, ხელმძღვანელმა პირებმა სამსახურების, განყოფილების, ასევე ა(ა)იპების ხელმძღვანელებისგან დეტალური ინფორმაცია მიიღეს დაგეგმილ და განსახორციელებელ პროექტებზე. მერის წარმომადგენლებთან ერთად კი სოფლებში არსებული გამოწვევების მოგვარების გზებზე იმსჯელეს.

თათბირზე ყურადღება გამახვილდა სოციალურ და ინფრასტრუქტურულ პროექტებზე, რომლებიც მოსახლეობის საჭიროებებზე იქნება გათვლილი. აღნიშნა რეგიონული განვითარების ფონდიდან დასაფინანსებელ იმ პროექტებზე, რომლებზეც ტენდერები უკვე დამთავრდა და ამჟამად მიდის შეფასება-შერჩევის პროცესი.

ეს პროექტები სულ 5,5 მლნ ლარის ღირებულებისაა. მათ ჩამონათვალს ჩვენი გაზეთის ამავე ნომრის მე-6 გვერდზე გთავაზობთ.

საბოლოო შედეგებზე დამატებით ინფორმაციას, ამ ინფრასტრუქტურულ პროექტებთან დაკავშირებით, ტენდერების შედეგებით გაკეთებული შეფასება-შერჩევის გათვალისწინებით გავაცნობთ.

თერჯოლის მუნიციპალიტეტის საკრებულოში

საკრებულოს ამ სხდომაზე, დღის წესრიგის შესაბამისად, განიხილეს და მხარი დაუჭირეს საფინანსო-საბიუჯეტო კომისიის თავმჯდომარის, თემურ ქოჩიაშვილის მიერ წარმოდგენილ ერთ საკითხს. ასევე, ეკონომიკისა და ქონების მართვის საკითხთა კომისიის თავმჯდომარის, ბადრი ბუცხრიკიძის მიერ წარმოდგენილ ერთ საკითხს.



აღნიშნულ საკითხებზე საკრებულოს სხდომაზე, საფინანსო-საბიუჯეტო კომისიის, ეკონომიკის და ქონების მართვის საკითხთა კომისიის, ფრაქცია „ქართული ოცნება - დემოკრატიული საქართველოსა“ და ბიუროს სხდომებზე იმსჯელეს.

საკითხების განხილვის შემდგომ სხდომა კითხვა-პასუხის რეჟიმში გაგრძელდა. საკრებულოს უმრავლესობისა და ოპოზიციის წარმომადგენლების შეკითხვებს თერჯოლის მუნიციპალიტეტის მერმა - მანუჩარ რობაქიძემ და საკრებულოს კომისიის თავმჯდომარეებმა უპასუხეს.

სხდომაზე განიხილეს მომხდარი სტიქიის შედეგები. მუნიციპალიტეტის მერის განცხადებით, თერჯოლაში, სტიქიის სალიკვიდაციო სამუშაოები დაუყოვნებლივ დაიწყო. აქტიურ რეჟიმში მუშაობდნენ და ადგილებზე იმყოფებოდნენ პირადად მუნიციპალიტეტის მერი - მანუჩარ რობაქიძე, საკრებულოს მაჟორიტარი დეპუტატები, მერის მოადგილეები, მერის შესაბამისი სამსახურები და სამუშაო ჯგუფები.

ანხორციელებდა. ძებნა-შეგების ღონისძიებაში ჩართული იყო კინოლოგთა ჯგუფი.

გარემოს ეროვნული სააგენტოს ინფორმაციით, სოფელ

ვე ათამდე დამხმარე-ნაგებობა. წვიმის შედეგად წყალმომარაგების სათავე-ნაგებობის დატბორვის გამო, სოფელ გოდოგნის, კვახჭირის, ჭოგნარისა

მა, დატბორა რამდენიმე ეზო და ნაკვეთი.

უამინდობამ და ნალექმა მეწყრული პროცესები გააქტიურა ბარდუბანი-ზედა სიმონეთის გზასა და ძვერი-ბეღიაურის გზებზე.

სტიქიური მოვლენის გამო დაზიანდა ელექტროგადამცემი ხაზები და გაზომომარაგების ქსელიც.

შექმნილი მდგომარეობის ოპერატიულად დარეგულირებისათვის მუნიციპალიტეტის მერი, მანუჩარ რობაქიძე, მერის მოადგილეები ზვიად ბაზაძე, მირზა ქოჩიაშვილი, მერის შესაბამისი სამსახურები და საგანგებო ჯგუფების წევრები მობილურ რეჟიმში იმყოფებოდნენ ყველა საგანგებო ადგილზე, ეცნობოდნენ სიტუაციას და ოპერატიულად ღებულობდნენ საჭირო გადაწყვეტილებას. შედეგად, ყველა სასიცოცხლო მნიშვნელოვანი პრობლემა—ელექტროენერჯის, გაზის, წყლის მიწოდება, მაქსიმალურად ოპერატიულად შესაძლებელ ვადაში მოგვარდა.

სტიქიის შედეგების საბოლოოდ ლიკვიდაციისათვის, დამდგარი შედეგების გათვალისწინებით, მერიის მიერ მომზადებული წინადადებების საფუძველზე, უახლოეს პერიოდში მომზადდება რეაგირების შესაბამისი დოკუმენტი.

თებერვლის სტიქიამ და მომხდარმა ტრაგიკულმა შემთხვევებმა კიდევ ერთხელ და უკვე მერამდენედ გააფრთხილა საზოგადოება, შესაბამისი საჯარო სამსახურები და უწყებები, რომ ჩვენ ბევრად მეტს ვლებულობთ ბუნებისაგან, ვიდრე მისი ბალანსის შენარჩუნებისათვის ვაკეთებთ.

„თარჯოლა“



ნერგეთში, როდესაც ტექტონიკურ და მორფოლოგიურ პირობებთან ერთად, მეწყრული პროცესის ჩასახვა-გააქტიურება, ძირითადად, 5-6-7 თებერვალს მოსულმა უხვმა ატმოსფერულმა ნალექებმა გამოიწვია.

ოფიციალური ინფორმაციით, ნერგეთში მეწყერის სიმაღლე 30 მეტრი იყო, მეწყრული მასის საორიენტაციო მოცულობა კი 150 000 მ³-ს შეადგენდა. მიწის მასა გზის დაახლოებით 200-მეტრიან მონაკვეთზე ჩამოიშალა.

და კვლავ სამწუხაროდ... განსაკუთრებულად უხვი ნალექის მოსვლას, შტორმული ქარებიც მოჰყვა, რაც მნიშვნელოვანი ზარალის მოტანა გახდა თერჯოლის მუნიციპალიტეტისათვის.

სტიქიასთან ბრძოლისათვის შეიქმნა სპეციალური ჯგუფები, რომლებიც მერის, მანუჩარ რობაქიძის ხელმძღვანელობით, საგანგებო რეჟიმში მუშაობდნენ შედეგების სალიკვიდაციოდ.

მეწყერსაშიშ ზონებში მუშაობს საქართველოს გეოლოგიის სამსახური, გადაწყვეტილების მიღების შემდეგ აღნიშნულ ზონებში მცხოვრები მოსახლეობა შესაძლოა გადაყვანილ იქნეს ალტერნატიულ საცხოვრებლებში.

შედეგები მძიმეა...

ორი დღის განმავლობაში მოსულმა უხვმა ნალექმა და ძლიერმა ქარმა, თერჯოლის მუნიციპალიტეტში 102 საცხოვრებელი სახლი დააზიანა, მათგან რამდენიმეს მთლიანად გადახადა სახურავი, დაზიანებულია 4 საერთო საცხოვრებლის სახურავი, სოფელ რუფოთის ადმინისტრაციული შენობის და საბავშვო ბაღის სახურავები, ასე-



საქართველოს კათოლიკოს-პატრიარქის საუბარო ეპისტოლე

მეორე ნაწილი

7 იანვარი—ქრისტეშობა, 2024 წელი

ქრისტიანულმა სარწმუნოებამ უდიდესი წვლილი შეიტანა და გადამწყვეტ ფაქტორად იქცა მრავალი ქვეყნის ისტორიაში, მათ შორის, ევროპის და სხვა სახელმწიფოთა ფორმირებაში; მაგრამ უფლის მეორედ მოსვლამდე, ანუ მარადიული სასუფეველის დამყარებამდე, მუდმივად იქნება ბრძოლა კეთილსა და ბოროტს შორის, მუდმივად დაგვიტარდება სულ უფრო მეტი ძალისხმევა სინამდის დასაცავად, რადგან ეს დაპირისპირება თანდათან უფრო მასშტაბურ ხასიათს იღებს.

ავიღოთ თუნდაც ჩვენი დრო. სამყარო ყოველთვის წინააღმდეგობრივი იყო, მაგრამ დღევანდელ კონფლიქტებსა და ომებს თან სდევს რეალური საშიშროება იმისა, რომ ნებისმიერი მათგანი მსოფლიო კატასტროფად იქცეს და მთელი კაცობრიობა გაანადგუროს. ამიტომაც ყველას, ჩვენი შესაძლებლობებისამებრ, გვმართებს ზრუნვა მშვიდობისთვის. ღმერთმა მშვიდობით აკურთხოს უკრაინა, ახლო აღმოსავლეთი და მთელი მსოფლიო.

მოგესხენებათ ისიც, რომ ბოლო საუკუნეებში შესუსტდა ქვეყნის რწმენა და იმდღავრა უღმერთობამ; შემოქმედის ადგილი ადამიანმა თავის თავით ჩაანაცვლა. წინ წამოინია პრინციპმა, - ჩემი მორალი და შეხედულება განსაზღვრავს ჩემს რწმენას; მაშინ, როდესაც სწორედ რწმენა ღვთისა და მისივე მცნებები განსაზღვრავს მორალსა და შეხედულებებსაც.

დღეს, როგორც არასდროს, გაჩნდა რეალური საშიშროება იმისა, რომ ადამიანის ეგოცენტრულობამ საფრთხე შეუქმნას იმ მიზანს, რისთვისაც საერთოდ დაიბადეთ, რადგან მსოფლიო ტექნოლოგიურად ვითარდება, მაგრამ მას ჩვენი სულიერი წინსვლა ჩამორჩება და ვდგებით მრავალი ფსიქოლოგიური და ბიოეთიკური გამოწვევის წინაშე.

ჩვენს ცხოვრებაში უკვე განსაკუთრებულ ადგილს იკავებს ხელოვნური ინტელექტიც, რასაც სამეცნიერო წრეებში მანქანური სწავლებით მიღებული ხელოვნური ინტელექტის მოდელს უწოდებენ.

ცნობილია, რომ ხელოვნური ინტელექტი არის კაცობრიობის მიერ დაგროვილი ცოდნის ჯამი, კოლექტიური ცოდნა, რომელიც ალგორითმებით იძლევა შესაბამის ინფორმაციას. ამ საშუალებით ადამიანს ექნება წვდომა მრავალგვარ მონაცემებზე მისთვის სასურველ ნებისმიერ სფეროში, რაც ტექნოლოგიურ წინსვლას კიდევ უფრო დააჩქარებს.

ხელოვნური ინტელექტს აქვს პოტენციალი, უდიდესი გარდატეხა შეიტანოს ჩვენს ცხოვრებაში და მთლიანად შეცვალოს ჩვენი ყოველდღიურობა, თუმცა, ადამიანის სულიერი განვითარების გარეშე, მოსალოდნელი უარყოფითი შედეგებიც აუცილებლად გასათვალისწინებელია.

უფრო და უფრო მკვეთრად დგება კითხვა: შეძლებს ადამიანი, გააერთიანოს ქრისტიანული ცხოვრების წესი და თუნდაც ხელოვნური ინტელექტის შესაძლებლობები და ღვთის სადიდებლად მიმართოს იგი? თუ თავის თავში დაჯერებული, თავისივე ქმნილებით მოხიბლული და მასზე მიჯაჭვული ადამიანი ღმერთს კიდევ უფრო განეშორება?

ვფიქრობ, მეტად მნიშვნელოვანია ფსიქოლოგების და იმ სპეციალისტების შეხედულებების გაცნობა,

რომლებიც ხელოვნურ ინტელექტთან აქვთ შეხება, რადგან უახლოეს მომავალში ყველა ამ ახალი რეალობის წინაშე აღმოჩნდება და აუცილებელია, ჩვენი საზოგადოება მომზადებული შეხვედეს მას.

ერთი რამ კი ცხადია: თითოეული ჩვენგანი უნდა ისწრაფოდეს პიროვნული სრულყოფილებისკენ, რაც უპირველეს ყოვლისა, ღვთის შეცნობის და მისი ქვეყნის წვდომის სურვილს გულისხმობს.

ღმერთი ლოგიკურ კატეგორიებზე მაღლა დგას, ადამიანური გონება მას ვერ მისწვდება ვერც კაცობრივი ცოდნის მთლიანი ჯამით და ვერც ინფორმაციის სისხვედრით, ამიტომაც, ცოდნასთან ერთად, საჭიროა რწმენა და ღვთიური მადლით აღვსება, რომ ადამიანი წარმართულ მდგომარეობას არ დაუბრუნდეს.



ღვთის ერში, ძველი აღთქმის ნიაღში, დაიბადა დედათა შორის კურთხეული, ყოვლადწმიდა ქალწული, რომლის მიერაც იშვა მაცხოვარი სოფლისა, - ადამისა და ევას ცოდვათა და ცრემლთა აღმოსცველი.

უფალი მოვიდა ამქვეყნად, რათა კვლავ გაეგრძელებინა განსწავლა კაცობრიობისა, როგორც ამას ედემში, ჩვენს პირველ მშობლებთან მიმართებაში იქმოდა.

ქრისტიანობის ისტორია სავსეა ქვეყნის მთელ სწავლული ადამიანებით, რომელთა შრომები სიბრძნის უღევი წყაროა.

გავისხენოთ მოციქულები, აგრეთვე, წმინდა მამები: ბასილი დიდი, გრიგოლი ღვთისმეტყველი, იოანე დამასკელი, იოანე ოქროპირი, ეფრემ ასური და სხვანი მრავალნი.

გავისხენოთ სოლომონ ბრძენიც და მისი სიტყვები: „მან (ღმერთმა) მომცა მე არსებულთა უტყუარო ცოდნა, რათა შემიცნო სამყაროს წყობა და სტიქიათა მოქმედება, დასაბამი, დასასრული და შუახანი, მზებუდობათა მონაცვლეობა და არეთა შენაცვლებანი, წელიწადის ბრუნვა და ვარსკვლავთა განლაგება, ცხოველთა ბუნება და მხედრთა თვისება, ქართა ქროლვა და კაცთა ზრახვანი, მცენარეთა მრავალფეროვნება და ფსევების ძალა. ყოველივე შევიცანი, დაფარულიც და განცხადებულციც, რადგან სიბრძნემ განმსწავლა, ყოველთა შემოქმედმა“ (სიბრძნე სოლომონისა 7, 17-21).

მოვისხენოთ ადამიც, რომელსაც, ყველასაგან განსხვავებით, სამოთხისეული განსწავლა, შემდგომ კი, ჩადენილი ცოდვის გამო, ღმერთმა სინანული ჰქონდა.

ამიტომაც მან და მისმა შვილმა, სეითმა, მთელი ცოდნა და ძალისხმევა ღმერთის სათნოყოფისთვის და მარადიულ ნეტარებაში დაბრუნებისკენ მიმართეს;

განსხვავებით კაენისა და მისი შთამომავლებისაგან, რომელთაც ღმერთი დაივიწყეს და თავისი მონდობა ამქვეყნიური კეთილდღეობისკენ წარმართეს; აღარ ზრუნავდნენ სულზე და სიკვდილის შემდგომი მდგომარეობაც აღარ აინტერესებდათ.

კაცობრიობაც მთელი თავისი განვითარების მანძილზე ამ ორ გზას შორის მერყეობდა და მერყეობს.

როგორი იქნება ჩვენი არჩევანი?

თუ შევძლებთ სწორი ურთიერთობები ვიქონიოთ ღმერთთან, ადამიანთან, ბუნებასთან, მიკრო და მაკრო კოსმოსთან, ვერავითარი ტექნოლოგიური მიღწევა ვერ გაგვაუცხოებს შემოქმედისგან, არამედ მათი მართებულად გამოყენების შემთხვევაში, იგი იქცევა ჩვენი გონებრივი და სულიერი წინსვლის დიდ საშუალებად.

ამიტომაც დღეს ყველაზე მეტად გვესაჭიროება მაცხოვრის შობის საიდუმლოს გაცნობიერება, რადგან დედამიწაზე განხორციელებული ქრისტე ყოველ დროს და ყველა ეპოქაში გვწინამძღვრობს, გვიჩვენებს სწორ გზას და გვანიჭებს ხსნას.

იგია სრული სიყვარული და სიკეთე, სრული ცოდნა, მშვიდობა და სიბრძნე, რომელიც მარადიულად და დაუსრულებლად განაახლებს, განაბრძნობს და განწმენდს მის თანახმად.

ყველას, ვინც მაცხოვრის შობის სიხარულით ცოცხლობს, ვულოცავ ამ დიდებული დღის შემობრძანებას. ვულოცავ ზეციურ და მიწიერ სამყაროს, სრულიად საქართველოს, თითოეულ თქვენგანს; ვულოცავ ხელისუფალთ, უცხოეთში მყოფ თანამემამულეთ, ჩვენს ერთგულ მრევლსა და სასულიერო პირებს! ვულოცავ ჯარისკაცებს, სპორტსმენებს, მეზღვაურებს, ექიმებს და ქვეყნის კეთილდღეობისათვის ყველა სხვა დამამშრალს; ვულოცავ მოხუცებსა და ახალგაზრდებს, სტუდენტებს, პროფესორ-მასწავლებლებს, მოსწავლეებს, განსაკუთრებით კი, ბავშვებსა და ახალშობილებს; ვულოცავ პატიმრებს, სნეულებამი მყოფთ და მშობლების მზრუნველობას მოკლებულთ... ყველას გლოცავთ და გახარებთ მხსნელის მოვლინებას!

სულიერად განმტკიცდით და გაძლიერდით, და არაფრის შეგეშინდეთ!

უფალთან არ დაგეკარგებთ თუნდაც ერთი გულითადი ლოცვა და სინანულის ცრემლის ერთი წვეთიც კი.

გნამდეთ, ყველაფრის მიუხედავად, იესო ქრისტეს ყოველთვის ჩვეთვის მაცხოვრებელი გზით მივყავართ, ამიტომაც მუდამ იყავით მადლიერნი მისი და გქონდეთ სასოება.

ვინც ღმერთი ჰპოვა, უმთავრესი შეიძინა; ღმერთს განშორებული სული კი კვდება, როგორც სულს გაყრილი სხეული.

და კიდევ, - ყველა და ყველაფერი უძღურია იქ, სადაც უფალი თავის ძალას ავლენს.

„უპირატეს ჟამთა მამისგან შობილსა ძესა და ქალწულისაგან ხორცშესხმულსა, ყრმანი აქებდით, მღვდელნი უგალობდით და ერნი უფროისად აღამაღლებდით უკუნისამდე“ (ძღისპირი), ამინ!

ბეთლემში შობილი იესოს სიყვარულით თქვენთვის მლოცველი,

ილია II
სრულიად საქართველოს
კათოლიკოს-პატრიარქი.

საჭირო პროფესიის ადამიანები თავმდაბალი კაცი

თერჯოლაში ყოველთვის იყვნენ გამორჩეულად ოქროსხელება ადამიანები, რომლებიც მოსახლეებს ცხოვრებისეულ პრობლემებს უგვარებდნენ. სანამლი აპარატი იყო შესაკეთებელი—შეუკეთებდნენ, ბოქლომურდული გაეჭედებოდათ—გაულებდნენ და ა.შ. დღესაც ასოვით ჩხარელი ვოლკინი, თერჯოლელი შოთა რობაქიძე და გიორგი მორალიშვილი, რუფოთსა და თერჯოლაში კიდევ ვინ არ იცნობს მურთაზ ჯაჯანიძეს.

მათ მადლიან ხელს არაერთი თავსატეხი მოუგვარებია კუთხე-მეზობლისათვის და არა მარტო. ამ ადამიანების ტრადი-

ციებს აგრძელებს როსტია, იგივე როსტომ ლილუაშვილი. ასეთ თვითნასწავლ პროფესიონალებს არცერთ დროში არ უჭირდათ სამსახურის შოვნა და რა გასაკვირია თუ ჩვენი წერილის ადრესატი აგერ წყალთამურნეობაში მუშაობს 15 წელია ზეინკლად. სპეციფიკიდან გამომდინარე ეს საპასუხისმგებლო საქმეა და როსტიაც (მას სიყვარულით ასე უძახის შინაური თუ გარეშენი) არათუ თავის უშუალო საქმეს ართმევს თავს, არამედ მუდამ იქაა, სადაც სამსახურს სჭირდება რთული პრობლემების მოსაგვარებლად.

„თუ როსტომი ადვილზეა და

ჯანზეა (ავადმყოფობა ღმერთმა ამოროს), გული საგულეს მაქვს — ამბობს დანესებულების ხელმძღვანელი ელისო ქოჩიაშვილი — კანალიზაციის ქსელი, განსაკუთრებით ქალაქის წყალგაყვანილობის სისტემა მუდმივ ყურადღებას საჭიროებს. პერიოდულად ისეთი ავარიული შემთხვევები იჩენს ხოლმე თავს მთელი დღე-ღამის მკლავდაკაპინებული შრომაა საჭირო მათ აღმოსაფხვრელად.

ღვთის მადლით როსტომის და სამსახურის სხვა თანამშრომელთა დახმარებით ასეთი კერების ლოკალიზება და შეკეთება სწრაფად ხდება. უზომოდ მადლიერნი

ვართ ამ თავდადებული და ულატო კაცის, იგი თავის შრომით მთელ კოლექტივში სიყვარულით და პატივისცემით სარგებლობს.“

მეტის თქმა და შტრიხები აღარცაა საჭირო როსტომ ლილუაშვილის პორტრეტის დახატვისათვის, მაგრამ არ შეიძლება არ დავსძინოთ, რომ როსტია კარგი ოჯახის მამაცაა. გამართული მეურნეობა აქვს, ყურძენიც მოჰყავს და სიმინდიც, არც მწვანეხალის საყიდლად დადის ბაზარში ბევრით. ოჯახთან ერთად ინეეს პურს არსობისას. დღეის პირობაზე ნორმალურად ცხოვრობს, ჭიშკარზე დაძახებული კაცის არ უშინია, ისე არ გაუშვებს ჭიქა ღვინით ოჯახი თუ არ დაალოცვინა, სამშობლოს დღეგერძელობის და კუთხე-მეზობლის გამარჯვების სასმისი არ შეასვა.

რომ ვუთხარით გაზეთში გვინდა თქვენი განერაო, იუარა, აბა მე ვინა ვარ ისეთი, ჩემს საქმეს ვაკეთებ საოჯახოს და სამსახურებრივს, ეს ჩემი ცხოვრებისეული ვალია, უკეთესი იმდენია, რამდენიც გნებავთ, ისინი განერეთო...

იმდენი რომ იყოს „რამდენიც გნებავს“, მაშინ რა გვიჭირდა, იქნებ ამ ჩვენი შეთხლებული სოფლებიდან მიგრაცია შეჩერებულიყო და დამოკლეს მახვილივით თავს დაკიდებული შიში დაცარიელებისა გამქრალიყო.

კარგი მაგალითი გადამდებია, თავის საქმეს, ოჯახს და ეზორიადაგვს შეყვარებული კაცი რომ გავაცანით მკითხველებს ვთვლით, რომ რალაც საჭირო საქმე გავაკეთეთ.

ი. პარაძი

მენტორი მასწავლებელი— ბუნებით ნოვატორი

ეს მაკა ჭანტურიძეა—ახალ-
თერჯოლის საჯარო სკოლის
ქიმია-ბიოლოგიის მასწავლე-
ბელი, რომელმაც ხუთჯერ
შეძლო მასწავლებელთა პრო-
ფესიული უნარებისა და კომ-
პეტენციის დადასტურება:



სასერთიფიკაციო გამოცდე-
ბის საფუძველზე მოპოვებუ-
ლი აქვს ბიოლოგიის, ქიმიის
და I-IV კლასის ბუნებისმეტყ-
ველების, ბიოლოგიის ექსპე-
რიმენტული ნაწილისა და
სპორტის მასწავლებლის სერ-
ტიფიკატები. 2019 წელს მიე-
ნიჭა წამყვანი მასწავლებლის
სტატუსი, 2023 წელს გახდა
მენტორი მასწავლებელი, აქვს
მაგისტრის ხარისხი.

მუშაობის 23 წლის მანძილ-
ზე, სამართლიან, გულისხმი-
ერ, ნიჭიერ, შემოქმედებითი
უნარებითა და მოქალაქე-
ობრივი პასუხისმგებლობით
გამორჩეულს, პროფესიაზე
უზომოდ შეყვარებულ ადამი-
ანს უყვარს ბავშვები, იცის,
როგორ დაამყაროს მოსწავ-
ლეებთან პოზიტიური ურ-
თიერთობები. მაკა მათთვის
არა მარტო კარგი მასწავ-
ლებელია, არამედ კარგი მე-
გობარი. ამ მეგობრობას იგი
კარგად იყენებს, როგორც
კლასის დამრიგებელი. სადამ-
რიგებლო პროგრამის ფარ-
გლებში ბევრ საინტერესო
ლონისძიებას აწარმოებს.
მშობლებს მოსწონთ და ემაძ-
ღიერებიან მას, როგორც სა-
იმედოს მათი შვილებისათვის.
მისგან მოსწავლეები იღებენ
სიღრმისეულ ცოდნას, ეუფ-
ლებიან დამოუკიდებელ აზ-
როვნების, უნარ-ჩვევებს.
ამის დასტურია სხვადასხვა
სასკოლო, რაიონულ თუ რეს-
პუბლიკურ კონკურსებში,
კონფერენციებსა და ოლიმ-
პიადებში მაკა ჭანტურიძის
მოსწავლეების მონაწილეობა
და გამარჯვება. მისი მოსწავ-
ლეები დაჯილდოვდნენ პირ-
ველი ხარისხის დიპლომებით
ტურიზმისა და მთამსვლელო-
ბის, ქიმიის, ბიოლოგიის, ეკო-
ლოგიისა და გარემოს დაცვის,
ფსიქოლოგიის სექციებში გა-
მარჯვებისთვის. მოსწავლე-
ახალგაზრდობის ეროვნული
სასახლის მიერ ყოველწლი-
ურად მიღებული მადლობის
სიგელი განსაკუთრებული
ღვანულისათვის, მაკასთვის მე-
ტად ღირებულია.

პირველი ხარისხის დიპლო-
მები არაერთჯერ აქვს მიღე-
ბული მასწავლებელთა რაიონ-
ულ კონფერენციებში მონა-
წილეობისთვის.

წლების განმავლობაში, ქი-
მიისა და ბიოლოგიის წრეებ-
ში მაკას მოსწავლეთა ჩართვა
ხელს უწყობდა წარმატებით
დაეძლიათ საატესტატო და
ეროვნული გამოცდები. მისი
ხელმძღვანელობით ბევრი სა-
ინტერესო ღონისძიება ტარ-
დება. „ყველაზე ჭკვიანი ბუ-
ნებისმეტყველი“, კონკურსი
„მოლის დღე“ და სხვა.

მაკას სამოდლო გაკვეთილები

განათლებისა და მეცნიე-
რების სამინისტროს პროექ-
ტის „ილია ჭავჭავაძე“ ფარ-
გლებში ჯერ კიდევ 2004 წელს
განხორციელდა სკოლის
მდგრად განვითარებასთან
დაკავშირებული ცვლილებე-
ბის დაწესება. უზიარებდა
კოლეგებს ტრენინგზე მი-
ღებულ გამოცდილებას. იგი,
როგორც მასწავლებელთა
შეფასების ჯგუფის წევრი,
ფასილიტატორი ეხმარებო-
და მასწავლებლებს სტატუსის
ამაღლებაში. დღეს სკოლის
ყველა მასწავლებელი სერთი-
ფიცირებულია, წარმატებით
აქვს გავლილი, „ათასწლეუ-
ლის გამოწვევის ფონდი სა-
ქართველოს“ მასწავლებელ-
თა და სკოლის დირექტორთა
პროფესიული განვითარების
პროექტის ფარგლებში, აშ-
შ-ის „ათასწლეულის გამოწ-
ვევის კორპორაციის“ მხარ-
დაჭერილი „ლიდერობის
აკადემიის“ მოდულები. რო-
გორც ლიდერი მასწავლებე-
ლი ხელმძღვანელობდა რაიონ-
ის მასწავლებელთა სამუშაო
ჯგუფებს, დაგეგმილი აქვს
სამუშაო შეხვედრები. კოლე-
გებისა და სკოლის საჭიროე-
ბებიდან გამომდინარე ზრუ-
ნავს საკუთარი და კოლეგების
პროფესიულ განვითარება-
ზე, უზიარებს მათ ცოდნასა
და გამოცდილებას. მის მიერ
შექმნილი საგანმანათლებლო,
მატერიალური და ელექტრო-



ნული რესურსები, ხელმისაწ-
ვდომია ყველა მოსწავლისა და
მასწავლებლისათვის. ზუსტ
და საბუნებისმეტყველო მეც-
ნიერებათა კათედრის მიერ
მისი ხელმძღვანელობით გან-
ხორციელდა მრავალი სასარ-
გებლო აქტივობა, სხვა კა-
თედრებთან ერთად და ამით
დაეხმარა იგი მასწავლებლებს
პროფესიულ განვითარებაში.
მაკა თვლის, რომ არაფორ-
მალურ განათლებას უდი-

დესი მნიშვნელობა აქვს, იგი
ეხმარება მოსწავლეს კარიე-
რულ წარმატებაში და ინტე-
რესების უკეთ წარმოჩენა-
ში. მისი ხელმძღვანელობით
სკოლაში ფუნქციონირებს
ეკოკლუბი, რომელიც ეკო-სა-
განმანათლებლო პროექტე-
ბის ფარგლებში უამრავ გა-
რემოსდაცვით ღონისძიებას
ახორციელებს. ეკო კლუბი
„შემართებული“ წარმატე-
ბით მონაწილეობდა კონკურ-
სში „ნიკო კეცხოველის პრე-
მია 2023“. კლუბი 150 გამორ-
ჩეული გუნდიდან ფინალურ
ეტაპზე მოხვდა, მონაწილენი
დაჯილდოვდნენ დიპლომე-
ბით, წიგნებით და მაისურე-
ბით (კონკურსის მხარდაჭე-
რი ავსტრიის განვითარების
თანამშრომლობა). მოსწავლე
-ახალგაზრდობის ცენტრთან
ურთიერთობა ხელს უწყობს
ინტელექტუალურ თამაშებ-
ში მონაწილეობასა და გამარ-
ჯვებაში.

**დღის ცენტრ „იმედის სხივ-
თან“ თანამშრომლობა საინ-
ტერესო როგორც შშმ ბავ-
შვთა დღის ცენტრის, ისე სკო-
ლის ეკო-კლუბისათვის. ხელს
უწყობს საპატრიარქოსთან
არსებული ახალგაზრდობის
სულიერი და ინტელექტუა-
ლური განვითარების ცენ-
ტრთან თანამშრომლობა, მათ
მიერ ორგანიზებულ კონკურ-
სში „ჩვენ ვსწავლობთ ბიბლი-
ას“ მონაწილეობა.**

ზრუნვა სასოფლო თემის განვითარებაზე

ნაყოფიერი იყო მოსწავლე-
თა ერთი ჯგუფის შეხვედრა
გარემოს დაცვის ეროვნულ
სააგენტოში. ინჟინერ-ეკო-
ლოგთა ჯგუფს მიანოდეს ინ-
ფორმაცია სოფლებში არსე-
ბულ მენყურულ-ეროზიული
პროცესების მაქსიმალურად
გააქტიურების შესახებ, სტი-
ქიური პროცესებისა და საინ-
ჟინრო გეოლოგიური სამმარ-

თველოს თანამშრომლებმა
მოახდინეს მონიტორინგული
სამუშაოების შესრულება სო-
ფელში დაზიანებული სახლე-
ბის და საკარმიდამო ნაკვე-
თების ვიზუალური საინჟინ-
რო გეოლოგიური შეფასება.
დასკვნის საფუძველზე მენყ-
რულ არეალში მოხვედრილ 3
ოჯახს სახელმწიფომ შეუძინა
საცხოვრებელი სახლი. ამ კუ-
თხით მაკა და მისი მოსწავლე-
ები აგრძელებენ მუშაობას.
უწყუნა ცხადაძე

მაღლე გაზაფხული მოვა სიმინდი—შეუცვლელი კულტურა

სიმინდის კულტურა საქარ-
თველოსთვის მეტად მნიშვნე-
ლოვანი იყო და არის, ამაზე
თუნდაც ის მეტყველებს, რომ
ამ ეტაპზეც კი ჩვენში 1 კი-
ლოგრამი სიმინდის ფქვილი
დაახლოებით 5-6 ლარი ღირს.
ეს მაშინ, როცა გაძვირებუ-
ლი ხორბლის ფქვილის ფასი 2
ლარს ზემოთ არ ასულა. რა-
ტომ არის ასეთი მაღალი ფასი
სიმინდზე? ამას სხვადასხვა მი-
ზეზი აქვს, მათ შორის ის, რომ
შარშანწინ სიმინდის მოსავალი,
ფაქტობრივად მინიმალური
იყო. გაუსაძლისმა სიცხეებმა
და ძლიერმა ქარებმა სიმინ-
დის ყანები მიწასთან გაასწორა.

ნეთა განმავლობაში ქართული
სიმინდი იმდენად დამუშავდა
და გაკეთილმოხილდა გლეხუ-
რი სელექციით, საუკეთესოა
ყველა იმ ჯიშებს შორის, რომ-
ლებსაც ვიცნობთ. მოსავალიც
კარგი მოვლის პირობებში ოპ-
ტიმალური მოდის—ჭექტარზე
დაახლოებით 2,5-3 ტონა.
მაგრამ ახლა მეურნეებმა,
ვისაც სიმინდი მოჰყავდა მია-
ტოვა ფართობები და ის ბარა-
ქიანი საეარგოლები, რომლებ-
საც „სიმინდის ბელელი“ ერქვა
ადრე, კერძოდ: „საცხენიაში“,
„აჯამეთში“, „თხილიბარდა“
და „ჟავეთაში“ გავლურებუ-
ლია და გატყვევებულია, ერთე-



საგულისხმოა, რომ სიმინდი
მთელ მსოფლიოში გაძვირდა.
მის საფურაჟე სარგებლობაზე
მაღალი მოთხოვნის გამოც სა-
ქართველოში საკვები სიმინდი
თითქმის ერთადერთი კულტურ-
აა, რომელიც სხვა ჯიშებით
ვერ ჩანაცვლდა და არც ჩანაც-
ვლდება. ხანგრძლივი დროის
განმავლობაში სიმინდზე მომუ-
შავე გლეხურმა სელექციამ ეს
კულტურა შეუცვლელი გახადა.
რატომ გაძვირდა საკვები სი-
მინდი, რატომ გაჭირდა მარ-
ცვლელის მოყვანა? ამ და
კულტურასთან დაკავშირებულ
სხვა საკითხებზე ვესაუბრეთ
გამოცდილ, ვეტერან მეურნეს,
ზედა აღისუბნულ ამირან დია-
კონიძეს.

ული გამონაკლის გარდა. სხვა
ხელისშემშლელი მიზეზებიცაა
— ძალზედ გაძვირდა სანვაე-
საცხენი მასალები, არასაკმა-
რისია ტექნიკა, მეურნე, რომ
შემოდგომასა და გაზაფხულზე
ტრაქტორს დაეძებს დასახნა-
ვად, შემოდგომაზე პურის აღე-
ბის დროს, კომბაინს და ისიც
ტექნიკისა და მონინავე ტექ-
ნოლოგიების საუკუნეში ასე
სასურველ მოსავალს ვერ მი-
ვიღებთ. რალა სხვაგან წავიდე,
ჩემს საახლობლოში, სადაც თა-
ვის დღე და მოსწრება სიმინდს
თესავენ, ბოლო წლებია, რიგაი-
ნი მოსავალი ვერ მივიღებთ.
—საჭიროა ახალი ჯიშებიც.
მაგრამ მეურნე, ანუ ფერმერი
ახალ ჯიშს რომ ენდოს, დარ-
წმუნებული უნდა იყოს, რომ
კარგ მოსავალს მიიღებს. ჯერ
ერთი საჭიროა, რომ ამ ჯი-
შებს მოსახლეობაში პროპაგან-
და გაეწიოს და მეორეც—უნდა
მოეწყოს სადემონსტრაციო
ნაკვეთები. როცა ყველა დარ-
წმუნდება, რომ ახალი ჯიში
რენტაბელურია, მას დათესავს
აუცილებლად.

სიმინდი ქართველი კაცისათ-
ვის, განსაკუთრებით დასავ-
ლეთის რაიონების მცხოვრებ-
თათვის, გვითხრა მან, მუდამ
შეუცვლელი კულტურა იყო.
ადრეც და განსაკუთრებით
მეორე მსოფლიო ომის წლებ-
ში, სიმინდმა გადაარჩინა ჩვენი
ხალხი შიმშილს. ვაზთან ერთად
იგი იყო შემოსავლის წყაროც,
ამიტომ უფლიდა და ელოლია-
ვებოდა მას. დღესდღეობით პუ-
რია ძირითადი საკვები, თუმცა
ის ფაქტი, რომ საკვები სიმინ-
დის დეფიციტია და ფქვილის
ფასიც რეკორდული გახდა,
მიანიშნებს ამ კულტურის დიდ
მოთხოვნილებაზე. მიუხედავად
უამრავი ჰიბრიდული ჯიშების
შემოსვლისა, რომლებიც ძირი-
თადად საფურაჟეა, არ ნიშნავს,
რომ საკვები სიმინდის კულტურ-
ას შეგვიცვლის. ამჟამად შე-
მოტანილი სიმინდის მარცვლე-
ული (ყვირთელი ჯიშები) 1 კგ. 70
თეთრი ღირს. არ არსებობს,
უფრო სწორად არ არსებობდა
სოფლად მცხოვრები, რომელ-
საც ტრადიციული ქართული
სიმინდი არ მოჰყავდა. საუკუ-

სიმინდი არ მოჰყავდა. საუკუ-
წის განმავლობაში ქართული
სიმინდი იმდენად დამუშავდა
და გაკეთილმოხილდა გლეხუ-
რი სელექციით, საუკეთესოა
ყველა იმ ჯიშებს შორის, რომ-
ლებსაც ვიცნობთ. მოსავალიც
კარგი მოვლის პირობებში ოპ-
ტიმალური მოდის—ჭექტარზე
დაახლოებით 2,5-3 ტონა.
მაგრამ ახლა მეურნეებმა,
ვისაც სიმინდი მოჰყავდა მია-
ტოვა ფართობები და ის ბარა-
ქიანი საეარგოლები, რომლებ-
საც „სიმინდის ბელელი“ ერქვა
ადრე, კერძოდ: „საცხენიაში“,
„აჯამეთში“, „თხილიბარდა“
და „ჟავეთაში“ გავლურებუ-
ლია და გატყვევებულია, ერთე-
ული გამონაკლის გარდა. სხვა
ხელისშემშლელი მიზეზებიცაა
— ძალზედ გაძვირდა სანვაე-
საცხენი მასალები, არასაკმა-
რისია ტექნიკა, მეურნე, რომ
შემოდგომასა და გაზაფხულზე
ტრაქტორს დაეძებს დასახნა-
ვად, შემოდგომაზე პურის აღე-
ბის დროს, კომბაინს და ისიც
ტექნიკისა და მონინავე ტექ-
ნოლოგიების საუკუნეში ასე
სასურველ მოსავალს ვერ მი-
ვიღებთ. რალა სხვაგან წავიდე,
ჩემს საახლობლოში, სადაც თა-
ვის დღე და მოსწრება სიმინდს
თესავენ, ბოლო წლებია, რიგაი-
ნი მოსავალი ვერ მივიღებთ.
—საჭიროა ახალი ჯიშებიც.
მაგრამ მეურნე, ანუ ფერმერი
ახალ ჯიშს რომ ენდოს, დარ-
წმუნებული უნდა იყოს, რომ
კარგ მოსავალს მიიღებს. ჯერ
ერთი საჭიროა, რომ ამ ჯი-
შებს მოსახლეობაში პროპაგან-
და გაეწიოს და მეორეც—უნდა
მოეწყოს სადემონსტრაციო
ნაკვეთები. როცა ყველა დარ-
წმუნდება, რომ ახალი ჯიში
რენტაბელურია, მას დათესავს
აუცილებლად.

ესაუბრა ი. მარაძე

თერჯოლის მუნიციპალიტეტის 2024 წლის სოციალური პროგრამები

თერჯოლის მუნიციპალიტეტში რეგისტრირებულ ახალშობილთა ოჯახების ფინანსური მხარდაჭერის 2024 წლის პროგრამა

დამტკიცებულია თერჯოლის მუნიციპალიტეტის საკრებულოს 2024 წლის 10 იანვრის სხდომაზე (განკარგულება გ-29. 292401014)

მუხლი 1. ზოგადი დებულებები

1. პროგრამის სახელწოდება: თერჯოლის მუნიციპალიტეტში რეგისტრირებულ ახალშობილთა ოჯახების ფინანსური მხარდაჭერის 2024 წლის პროგრამა.

2. პროგრამის დაწყების და დამთავრების თარიღი: 1 იანვარი 2024 წელი – 31 დეკემბერი 2024 წელი.

3. პროგრამის ბიუჯეტი: 50 000 (ორმოცდაათი ათასი) ლარი.

4. პროგრამის დაფინანსების წყარო: თერჯოლის მუნიციპალიტეტის 2024 წლის ბიუჯეტი.

5. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

მუხლი 2. პროგრამის მიზანი:

თერჯოლის მუნიციპალიტეტში რეგისტრირებულ ახალშობილთა ოჯახების მატერიალური დახმარების გაწევა.

მუხლი 3. პროგრამით მოსარგებლე პირთა კატეგორია:

პროგრამით მოსარგებლე პირთა კატეგორიაა ახალშობილთა ოჯახები (მშობლები), რომლებიც აკმაყოფილებენ ამ მუხლის მოთხოვნებს და განცხადების წარმოდგენის დროისათვის კანონმდებლობის შესაბამისად რეგისტრირებული არიან თერჯოლის მუნიციპალიტეტში, კერძოდ:

- ა) ბავშვის მშობლები, რომლებიც განცხადების დაწერის დროისათვის რეგისტრირებულნი არიან თერჯოლის მუნიციპალიტეტში;
- ბ) მარტოხელა მშობელი (დედა ან მამა), რომელიც განცხადების დაწერის დროისათვის რეგისტრირებულია თერჯოლის მუნიციპალიტეტში.

მუხლი 4. მუნიციპალიტეტში წარსადგენი დოკუმენტაცია, დახმარების ოდენობა:

1. ამ პროგრამით განსაზღვრულ ოჯახებს ფინანსური დახმარება მიეცემა თითოეულ ახალ-

შობილზე ერთჯერადად, შემდეგი ოდენობით:

- ა) პირველ ახალშობილზე 250 (ორასორმოცდაათი) ლარი;
 - ბ) მეორე ახალშობილზე 300 (სამასი) ლარი;
 - გ) მესამე, მეოთხე 400 (ოთხასი) ლარი;
 - დ) მეხუთე და ა.შ. ახალშობილზე 500 (ხუთასი) ლარი.
 - ე) ტყუპების შემთხვევაში 1000 (ათასი) ლარი.
2. ახალშობილთა ოჯახებზე ფინანსური დახმარება გაიცემა განცხადების საფუძველზე, რომელსაც ერთ-ერთი მშობელი წარუდგენს მუნიციპალიტეტის მერიას ბავშვის დაბადებიდან არაუგვიანეს ერთი წლის ვადაში.

3. განცხადებას თან უნდა დაერთოს შემდეგი დოკუმენტაცია:

- ა) ბავშვის (ბავშვების) დაბადების მოწმობის ასლი;
- ბ) მშობლების პირადობის მოწმობის ასლები;
- გ) განმცხადებლის საბანკო ანგარიშის ნომერი.

მუხლი 5. ახალშობილთა ოჯახებზე ფინანსური დახმარების გაცემის წესი:

1. თერჯოლის მუნიციპალიტეტის მერიას წარუდგენილ განცხადებას განიხილავს თერჯოლის მუნიციპალიტეტის მერიის ჯანდაცვისა და სოციალურ საკითხთა სამსახური და თანდართული დოკუმენტაციის პროგრამასთან შესაბამისობის დადგენის შემდეგ ამზადებს მერიის ბრძანების პროექტს.

2. მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მუნიციპალიტეტის მერიის საფინანსო სამსახური მოქმედი კანონმდებლობის შესაბამისად უნაღლო ანგარიშსწორების ფორმით.

გიორგი ბარათაშვილი,
თერჯოლის მუნიციპალიტეტის საკრებულოს თავმჯდომარე

თერჯოლის მუნიციპალიტეტში რეგისტრირებული უკიდურესად გაჭირვებული და მძიმე სოციალურ პირობებში მყოფი ოჯახების საკვები პროდუქტებით მხარდაჭერის 2024 წლის პროგრამა

დამტკიცებულია თერჯოლის მუნიციპალიტეტის საკრებულოს 2024 წლის 10 იანვრის სხდომაზე (განკარგულება გ-29. 292401013)

მუხლი 1. ზოგადი დებულებები

1. პროგრამის სახელწოდება: თერჯოლის მუნიციპალიტეტში რეგისტრირებული უკიდურესად გაჭირვებული და მძიმე სოციალურ პირობებში მყოფი ოჯახების საკვები პროდუქტებით მხარდაჭერის 2024 წლის პროგრამა.

2. პროგრამის დაწყების და დამთავრების თარიღი: 01 იანვარი 2024 წელი – 31 დეკემბერი 2024 წელი.

3. პროგრამის ბიუჯეტი: 120 000 (ასოცი ათასი) ლარი. აქედან:

- ა) 100 000 (ასი ათასი) ლარი თერჯოლის მუნიციპალიტეტში რეგისტრირებული მძიმე სოციალურ პირობებში მყოფი ოჯახებისათვის;
- ბ) 20 000 (ოცი ათასი) ლარი სადღესასწაულო ხარჯებისათვის (სააღდგომო, საბარბარო და საახალწლო).

4. პროგრამის დაფინანსების წყარო: თერჯოლის მუნიციპალიტეტის 2024 წლის ბიუჯეტი.

5. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

მუხლი 2. პროგრამის მიზანი:

თერჯოლის მუნიციპალიტეტში რეგისტრირებული უკიდურესად გაჭირვებული და მძიმე სოციალურ პირობებში მყოფი ოჯახების საკვები პროდუქტებით მხარდაჭერა

მუხლი 3. პროგრამით მოსარგებლე პირთა კატეგორია:

თერჯოლის მუნიციპალიტეტში რეგისტრირებული მძიმე სოციალურ პირობებში მყოფი ოჯახები.

მუხლი 4. საჭირო დოკუმენტაცია და მისი წარდგენის წესი:

ამ პროგრამით მოსარგებლე ბენეფიციარები თერჯოლის მუნიციპალიტეტის მერიას წარუდგენენ განცხადებას, განცხადებას თან უნდა დაერთოს:

- ა) განმცხადებლის პირადობის მოწმობის ასლი;
- ბ) ოჯახის წევრის გარდაცვალების შემთხვევაში გარდაცვალების მოწმობის ასლი;
- გ) შესაბამისი ადმინისტრაციული ერთეულის წარმომადგენლისა და მუნიციპალიტეტის საკრებულოს წევრის წერილობითი რეკომენდაცია, რომელიც მათგანის მიერ ამ უფლებამოსილების განუხორციელებლობის შემთხვევაში (რომელიც დასტურდება შესაბამისი დოკუმენტით), საკმარისი ერთ-ერთის რეკომენდაცია.

მუხლი 5. საკვები პროდუქტების გაცემის წესი და ოდენობა:

1. ამ პროგრამით განსაზღვრულ ოჯახებს საკვები პროდუქტები მიეცემა შემდეგი ოდენობით:

- ა) უკიდურესად გაჭირვებულ და მძიმე სოციალურ პირობებში მყოფი ოჯახებს არაუმეტეს 150 ლარის ოდენობით ერთჯერადად, ხოლო სამუშაო ჯგუფის რეკომენდაციის საფუძველზე შესაძლებელია გაცივს არაუმეტეს წელიწადში ორჯერ.
- ბ) თერჯოლის მუნიციპალიტეტის მერიას წარუდგენილ განცხადებას რეკომენდაციის მომზადების მიზნით განიხილავს მერიის ბრძანებით შექმნილი სამუშაო ჯგუფი.
- გ) რეკომენდაციის შესრულებაზე პასუხისმგებელია ჯანდაცვისა და სოციალურ საკითხთა სამსახური, რომელიც გაცივს შესაბამისი ოდენობის ტალონს და ამზადებს მერიის ბრძანების პროექტს.
- დ) მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მერიის საფინანსო სამსახური მოქმედი კანონმდებლობის შესაბამისად უნაღლო ანგარიშსწორების ფორმით.

გიორგი ბარათაშვილი,
თერჯოლის მუნიციპალიტეტის საკრებულოს თავმჯდომარე

თერჯოლის მუნიციპალიტეტში რეგისტრირებული 18 წლამდე შშმ პირთა სარეაბილიტაციო მომსახურების თანადაფინანსების 2024 წლის პროგრამა

დამტკიცებულია თერჯოლის მუნიციპალიტეტის საკრებულოს 2024 წლის 10 იანვრის სხდომაზე (განკარგულება გ-29. 29240105)

მუხლი 1. ზოგადი დებულებები

1. პროგრამის სახელწოდება: თერჯოლის მუნიციპალიტეტში რეგისტრირებული 18 წლამდე შშმ პირთა სარეაბილიტაციო მომსახურების თანადაფინანსების 2024 წლის პროგრამა.

2. პროგრამის დაწყების და დამთავრების თარიღი: 01 იანვარი 2024 წელი – 31 დეკემბერი 2024 წელი.

3. პროგრამის ბიუჯეტი: 10 000 (ათი ათასი) ლარი.

4. პროგრამის დაფინანსების წყარო: თერჯოლის მუნიციპალიტეტის 2024 წლის ბიუჯეტი.

5. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

მუხლი 2. პროგრამის მოსალოდნელი შედეგები:

პროგრამის სრულყოფილად განხორციელება ხელს შეუწყობს თერჯოლის მუნიციპალიტეტში რეგისტრირებული 18 წლამდე შშმ პირთა რეაბილიტაციას.

მუხლი 3. სამედიცინო მომსახურების დაფინანსების ოდენობა:

თერჯოლის მუნიციპალიტეტში რეგისტრირებული 18 წლამდე შშმ პირთა რეაბილიტაცია დაფინანსდეს მუნიციპალიტეტის ბიუჯეტიდან წელიწადში არა უმეტეს 350 (სამასორმოცდაათი) ლარისა.

მუხლი 4. პროგრამით მოსარგებლე პირთა კატეგორია:

1. პროგრამით სარგებლობის უფლება აქვს თერჯოლის მუნიციპალიტეტში რეგისტრირებულ პირს.

მუხლი 5. მუნიციპალიტეტის მერიას წარსადგენი დოკუმენტაცია:

შშმ პირის მშობელი თერჯოლის მუნიციპალიტეტის მერიას

წარადგენს განცხადებას, რომელსაც თან უნდა დაერთოს:

- ა) მშობლების პირადობის დამადასტურებელი მოწმობის ასლი ან არასრულწლოვნის რეგისტრაციის ბარათი, ასევე დაბადების მოწმობის ასლი;
- ბ) ცნობა, პროგრამით სარგებლობის მსურველი პირის ჯანმრთელობის მდგომარეობის შესახებ (ფორმა N100).

გ) გასაწევი სამედიცინო მომსახურების ხარჯების მოცულობის განმსაზღვრელი დოკუმენტი (ინვოისი, კალკულაცია) შესაბამისი სამედიცინო დაწესებულებიდან.

დ) შეთანხმება სამედიცინო დაწესებულებასა და პაციენტის წარმომადგენელს შორის (დავალიანების არსებობის შემთხვევაში)

ე) შშმ პირის დამადასტურებელი დოკუმენტი.

მუხლი 6. სამედიცინო მომსახურების დაფინანსების წესი:

1. თერჯოლის მუნიციპალიტეტის მერიას წარუდგენილ განცხადებას განიხილავს თერჯოლის მუნიციპალიტეტის მერიის ჯანდაცვისა და სოციალურ საკითხთა სამსახური და ამზადებს თერჯოლის მუნიციპალიტეტის მერის ბრძანების პროექტს.

2. თერჯოლის მუნიციპალიტეტის მერის ბრძანების საფუძველზე, სამედიცინო მომსახურების დასაფინანსებელი თანხის ანაზღაურება მოხდება უნაღლო ანგარიშსწორების ფორმით სამედიცინო დაწესებულების შესაბამის ანგარიშზე, რასაც უზრუნველყოფს მუნიციპალიტეტის მერიის საფინანსო სამსახური.

გიორგი ბარათაშვილი,
თერჯოლის მუნიციპალიტეტის საკრებულოს თავმჯდომარე

თერჯოლის მუნიციპალიტეტში რეგისტრირებულ მარტოხელა მშობლის სოციალური მხარდაჭერის 2024 წლის პროგრამა

დამტკიცებულია თერჯოლის მუნიციპალიტეტის საკრებულოს 2024 წლის 10 იანვრის სხდომაზე (განკარგულება გ-29. 29240107)

მუხლი 1. ზოგადი დებულებები:

1. პროგრამის სახელწოდება: თერჯოლის მუნიციპალიტეტში რეგისტრირებული მარტოხელა მშობლის სოციალური მხარდაჭერის პროგრამა.

2. პროგრამის დაწყების და დამთავრების თარიღი: 01 იანვარი 2024 წელი – 31 დეკემბერი 2024 წელი.

3. პროგრამის ბიუჯეტი: 55 000 (ორმოცდაათხუთმეტი ათასი) ლარი.

4. პროგრამის დაფინანსების წყარო: თერჯოლის მუნიციპალიტეტის 2024 წლის

ბიუჯეტი.

ე. პროგრამის მოსარგებლე ბენეფიციართა სოციალური დახმარების თანხა: მარტოხელა მშობლის სტატუსის მქონე ბენეფიციარზე 100 (ასი) ლარი ყოველთვიურად.

ვ. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

მუხლი 2. ტერმინთა განმარტება:

მარტოხელა მშობელი არის მარტოხელა დედის ან მარტოხელა მამის სტატუსის მქონე პირი.

თარჯოლის მუნიციპალიტეტის 2024 წლის სოციალური პროგრამები

თერჯოლის მუნიციპალიტეტში რეგისტრირებულ მარტოხელა მშობლის სოციალური მხარდაჭერის 2024 წლის პროგრამა

მუხლი 3. პროგრამის მიზანი და მოსალოდნელი შედეგები:

მარტოხელა დედების (მამების) სოციალური მდგომარეობის ფინანსური მხარდაჭერა.

მუხლი 4. პროგრამით მოსარგებლე პირთა კატეგორია:

თერჯოლის მუნიციპალიტეტში რეგისტრირებული მარტოხელა მშობლის სტატუსის მქონე პირი, რომელსაც ჰყავს 18 წლამდე ასაკის შვილი (რომელთა შემოსავლები ბოლო ერთი წლის განმავლობაში არ აღემატება 10 000 ლარს).

მუხლი 5. დაფინანსების მიღებისათვის საჭირო დოკუმენტაცია:

- ა. განცხადება მერის სახელზე;
- ბ. დახმარების მიმღები პირის პირადობის მოწმობის ასლი;
- გ. ბავშვის დაბადების მოწმობა;
- დ. მარტოხელა მშობლის დამადასტურებელი დოკუმენტი;
- ე. დახმარების მიმღები პირის პირადი ანგარიში.

უსახლკაროდ დარჩენილი ოჯახების დროებითი საცხოვრებელი ბინის, ქირით უზრუნველყოფის 2024 წლის პროგრამა

დამტკიცებულია თერჯოლის მუნიციპალიტეტის საკრებულოს 2024 წლის 10 იანვრის სხდომაზე (განკარგულება გ-29. 29240104)

მუხლი 1. ზოგადი დებულებები

1. პროგრამის სახელწოდება: უსახლკაროდ დარჩენილი ოჯახების დროებითი საცხოვრებელი ბინის, ქირით უზრუნველყოფის 2024 წლის პროგრამა.

2. პროგრამის დაწყების და დამთავრების თარიღი: 1 იანვარი 2024 წელი – 31 დეკემბერი 2024 წელი.

3. პროგრამის ბიუჯეტი: 40 000 (ორმოცი ათასი) ლარი.

4. პროგრამის დაფინანსების წყარო: თერჯოლის მუნიციპალიტეტის 2024 წლის ბიუჯეტი.

5. პროგრამით მოსარგებლე ბენეფიციართა სოციალური დახმარების თანხა: თვეში – არაუმეტეს 300 (სამასი) ლარი სოფელში და არაუმეტეს 400 (ოთხასი) ლარი ქალაქში.

6. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

მუხლი 2. პროგრამის მიზანი

პროგრამის მიზანია თერჯოლის მუნიციპალიტეტში რეგისტრირებული უსახლკარო მოქალაქეების ბინის ქირით უზრუნველყოფა.

მუხლი 3. პროგრამით მოსარგებლე პირთა კატეგორია:

ა) თერჯოლის მუნიციპალიტეტში რეგისტრირებულ და ამავე დროს მცხოვრები უსახლკარო ოჯახები, რომლებსაც არ გააჩნიათ სხვა საცხოვრებელი ფართი და რომელთა სარეიტინგო ქულა არ აღემატება 120 000 -ს.

ბ) ძალადობის მსხვერპლი პირები, რომლებმაც ისარგებლეს საქართველოს ოკუპირებული ტერიტორიიდან დევნილთა, შრომის, ჯანმრთელობის და სოციალური დაცვის სამინისტროს სისტემაში არსებული მსხვერპლთა დროებითი საცხოვრებელი (თავშესაფრით) და თავშესაფარში მოთავსების ვადის ამონაწერის შემდეგ იმყოფება საცხოვრებლის გარეშე.

მუხლი 4. დაფინანსების მიღებისათვის საჭირო დოკუმენტაცია და მისი წარდგენის წესი:

ამ პროგრამით მოსარგებლე ბენეფიციარებმა თერჯოლის მუნიციპალიტეტის მერიაში უნდა წარადგინონ:

ა) განცხადება მუნიციპალიტეტის მერის სახელზე;

ვ. ცნობა შემოსავლების სამსახურიდან ბოლო ერთი წლის შემოსავლების შესახებ.

მუხლი 6. მარტოხელა მშობლის დაფინანსების მიღების წესი:

1. თერჯოლის მუნიციპალიტეტის მერიაში წარდგენილ განცხადებას განიხილავს თერჯოლის მუნიციპალიტეტის მერიის ჯანდაცვისა და სოციალურ საკითხთა სამსახური და თანდართული დოკუმენტაციის პროგრამასთან შესაბამისობის დადგენის შემდეგ ამზადებს მერის ბრძანების პროექტს.

2. მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მუნიციპალიტეტის მერიის საფინანსო-საბიუჯეტო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

გიორგი ბარათაშვილი,
თერჯოლის მუნიციპალიტეტის
საკრებულოს თავმჯდომარე

ბ) განმცხადებლის პირადობის მოწმობის ასლი;

გ) ოჯახის ყველა სრულწლოვანი წევრის საცხოვრებელი ფართობის არქონის დამადასტურებელი დოკუმენტი, ცნობა ქონებრივი მდგომარეობის შესახებ საჯარო რეესტრიდან.

დ) შესაბამის ტერიტორიულ ორგანოში მუნიციპალიტეტის მერის წარმომადგენლის წერილობითი რეკომენდაცია განმცხადებლის საცხოვრებელი ფართის არქონის შესახებ;

ე) ქირავნობის ხელშეკრულება 1 წლის ვადით.

ვ) განმცხადებლის საბანკო ანგარიში, გამქირავებლის პირადობის მოწმობის ასლი და ამონაწერი საჯარო რეესტრიდან ქონების საკუთრების შესახებ.

ზ) შემაკავებელი ან დამცავი ორდერი ან/და მომხდარი ფაქტის დამადასტურებელი სხვა დოკუმენტი, სადაც მითითებულია მსხვერპლის, მასზე დამოკიდებული პირის თავშესაფარში ან კრიზისულ ცენტრში მოთავსება.

თ) ძალადობის მსხვერპლის თავშესაფარში ან კრიზისულ ცენტრში მოთავსების შემთხვევაში თავშესაფრით სარგებლობის დამადასტურებელი დოკუმენტი.

ი) ამონაწერი სოციალურად დაუცველი ოჯახების მონაცემთა ერთიანი ბაზიდან (მესამე მუხლის „ა“ პუნქტით სარგებლობის შემთხვევაში).

მუხლი 5. დახმარების გაცემის წესი:

1. თერჯოლის მუნიციპალიტეტის მერიაში წარდგენილ განცხადებას განიხილავს თერჯოლის მუნიციპალიტეტის მერიის ბრძანებით შექმნილი სამუშაო ჯგუფი.

2. სამუშაო ჯგუფის რეკომენდაციის შესრულებაზე პასუხისმგებელია ჯანდაცვისა და სოციალურ საკითხთა სამსახური, რომელიც ამზადებს მერის ბრძანების პროექტს.

3. მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მერიის საფინანსო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

გიორგი ბარათაშვილი,
თერჯოლის მუნიციპალიტეტის
საკრებულოს თავმჯდომარე

ჯილდო მამაცობისათვის

ამ დღეებში, მუნიციპალიტეტის მერმა, მანუჩარ რობაქიძემ, ეროვნული გვარდიის რეზერვისტს, თერჯოლის მკვიდრს -მინდია ლილუაშვილს თავდაცვის სამინისტროს მიერ გადაცემული ჯილდოს მიღება მიულოცა და შემდგომი წარმატებები უსურვა.

მესამე მსუბუქი ქვეითი ასეულის რეზერვისტი, მინდია ლილუაშვილი შოვის სტიქიასთან ბრძოლაში მონაწილეობისთვის და გამორჩენილი მამაცობისთვის თავდაცვის სამინისტრომ მედლით დააჯილდოვა.



მინდია ლილუაშვილს მედლის მიღება ასევე მიულოცა საკრებულოს თავმჯდომარის მოადგილემ დავით გოგბერაშვილმა. შეხვედრას მუნიციპალიტეტის მერის მოადგილეები: ზვიად ბაზაძე და მირზა ქონიაშვილი, საკრებულოს თავმჯდომარის მოადგილე ჯემალ ისაკაძე, მერის წარმომადგენელი საკრებულოში სოსო ჩაფიჩაძე და კულტურის და ახალგაზრდულ საქმეთა სამსახურის წარმომადგენლები ესწრებოდნენ.

გულოცავთ!

2024 წელს თერჯოლის მუნიციპალიტეტში რეგიონული განვითარების ფონდიდან დასაფინანსებელი ინფრასტრუქტურული პროექტები

—ქ. თერჯოლაში არსებული მოსწავლე-ახალგაზრდობის სახლის დარბაზის სარემონტო სამუშაოები—169 894.0 ლარი

—სოფ. ჭალასთავთან დამაკავშირებელი გზის რეაბილიტაცია—191 724.0 ლარი

—ქ. თერჯოლაში ვაჟა-ფშაველას მე-6 შესახვევში არსებული გზის რეაბილიტაცია—95 000.0 ლარი

—სოფელ თავასა-თუზის დამაკავშირებელი გზის მოწყობა—300 000.0 ლარი

—თერჯოლის მუნიციპალიტეტში სოფ. გოდოვანში საავტომობილო გზის და საყრდენი კედლების მოწყობა / რეაბილიტაცია—300 000.0 ლარი

—სოფელ გოდოვანში, ხორხის უბანში გზის რეაბილიტაცია—200 000.0 ლარი

—სოფელ ზედა სიმონეთში, აბჯანდაძეების უბანთან დამაკავშირებელი გზის რეაბილიტაცია—300 000.0 ლარი

—სოფელ ნახშირღელეში, ხორხის უბანთან დამაკავშირებელი გზის რეაბილიტაცია—300 000.0 ლარი

—სოფელ ჩხარში, სკოლასთან დამაკავშირებელი გზის რეაბილიტაცია—300 000.0 ლარი

—სოფელ ბარდუბანში, საავტომობილო გზის რეაბილიტაცია—300 000.0 ლარი

—სოფელ ზედა და ქვედა ალისუბნის დამაკავშირებელი გზის რეაბილიტაცია—300 000.0 ლარი

—სოფელ კვახჩირი-ოდილაურის დამაკავშირებელი გზის რეაბილიტაცია—300 000.0 ლარი

—სოფელ გოგნში, ტყიბულთან დამაკავშირებელი გზის რეაბილიტაცია—300 000.0 ლარი

—ქ. თერჯოლაში სულხან-საბა ორბელიანის ქუჩაზე არსებული გზის რეაბილიტაცია—300 000.0 ლარი

—სოფელ ძვერში კალატოზები-ვერულაშვილების უბანში წყლის სისტემის მოწყობა—170 994.0 ლარი

—ქ. თერჯოლაში არსებული მუსიკალური სკოლის შენობის რეაბილიტაცია—295 414.0 ლარი

—სოფ. სიქთარვაში მემანიშვილების უბნის გზის რეაბილიტაცია—300 000.0 ლარი.

—სოფელ სიქთარვაში ყაზაიშვილების უბნის გზის რეაბილიტაცია—300 000.0 ლარი

—ქ. თერჯოლაში ჯაბიძის მეორე შესახვევში გზის რეაბილიტაცია—190 000.0 ლარი

—სოფელ საზანოში ჩიხორი შიმშილაქედის დამაკავშირებელი გზის რეაბილიტაცია—300 000.0 ლარი

—სოფელ 26 მაისი საზანოს დამაკავშირებელი გზის რეაბილიტაცია—300 000.0 ლარი

გვესაუბრება მოძღვარი



დღევანდელი ამ პუბლიკაციით, რუბრიკით „ზეციური საუნჯე“, ვინც მართლმადიდებელი მრევლის შეკითხვების საფუძველზე შედგენილი თემების მიხედვით მოძღვარ დავით ჭანტურიძის პასუხების გამოქვეყნებას.

მამა დავითს დამთავრებული აქვს ქუთაისის პედაგოგიური უნივერსიტეტის ისტორიის ფაკულტეტი, გელათის სასულიერო აკადემია. 2017 წელს იგი მღვდლად აკურთხა ტყიბული-სა და თერჯოლის მიტროპოლიტმა გიორგიმ (შალამბერიძე). მსახურობდა ზედა საზანოს ღვთისმშობლის მიძინების ტაძარში. 2018 წელს, მრევლის მონაწილეობით, აღდგენილი იქნა მთავარანგელოზთა მიქაელ და გაბრიელის სახელობის ეკლესია, რომელიც აკურთხა მიტროპოლიტმა და მამა დავითმა მსახურება ამ ეკლესიაში გააგრძელა. 2020 წელს დაინიშნა საზანოს წმ. გიორგის სახელობის ტაძრის წინამძღოლად, 2022 წლის ნოემბრიდან მღვდელმსახურებას შეუდგა

ქვ. სიმონეთის მთავარანგელოზის სახელობის ეკლესიაში, ხოლო 2023 წლის აგვისტოდან სიქთარვის ფერიცვალების სახელობის ეკლესიაში, ზედა საზანოს წმ. გიორგის ეკლესიაში მსახურებასთან ერთად.

2023 წლის ოქტომბერში ტყიბულისა და თერჯოლის ეპარქიის მღვდელმთავარმა მამა დავითი დააჯილდოვა ოქროს ჯვრის ტარების უფლებით, რომელმაც კიდევ უფრო გაზარდა მისი პასუხისმგებლობა ღვთისა და ერის წინაშე.

მამა დავითი ამბობს, რომ მრევლის თითოეული წევრი ძვირფასია მისთვის, რადგან მრევლი გზის სულიერი ცხოვრების მეგზურად.

ხატი შუამავალი ძალაა ერთის მხრივ იმასთან, ვინც ხატზე გამოსახული და მეორეს მხრივ, მადლის მომფენია მისი, ვინც მის წინ ღოცულობს. ლოცვაში რა მნიშვნელობა აქვს ჩვენთვის ხატს, მისი ძალა და მნიშვნელობა ფართო გაგებით.

ფალმა ანდრია მოციქულს და აკურთხა საქართველოში საქადაგებლად ყოვლადწმინდა ღვთისმშობლის პირველი რამდენიმე ხატი შექმნა მოციქულმა და მახარებელმა ლუკამ.

ჯვარი ადამიანის დაღუპვის და სრული განწირვის ძველი სიმბოლოა. ახალი აღთქმის ეკლესიისთვის კი უდიდესი სალოცავია. რა არის ჯვარი და როგორია მისი მნიშვნელობა.

ძველი აღთქმის ეპოქაში ჯვარი წარმოადგენდა დასჯის იარაღს და ყველაზე დიდ ბოროტმოქმედებს ჯვარზე აკრავდნენ.

დღემინაზე მცხოვრებთაგან ყველაზე ამაღლებულად ჯვრის სიღიადე მოციქულთა თავმა პავლემ გამოთქვა თავის ეპოსტოლში: „ვინაიდან სიტყვა ჯვრის შესახებ სისუსტეა მათთვის, რომელნიც იღუპებიან, ხოლო ჩვენთვის რომელნიც გადავრჩებით, ღვთის ძალა“ (1 კორინთელით, თ.1-18).

ჯოჯოხეთის სატანჯველისა და მარადიული სიკვდილიდან ჩვენ გამოსახსნელად ჯვარს ეცვა და ევნო ქრისტე ღმერთი, მაცხოვარი ქვეყნისა, რის შედეგადაც ჯვარი სასოების მომცემი და დიდება გახდა. ჯვარის მეშვეობით გამოვლინდა მთელი სავსეობა ღმერთის უსაზღვრო სიყვარულისა კაცობრიობის მიმართ, „რამეთუ ესრეთ შეიყუარა ღმერთმან სოფელი ესე, ვითარმედ ძეცა თვისი მხოლოდშობილი მოჰსცა მას, რათა ყოველსა რომელსა პრწმენეს იგი, არა წარჰსწყმდეს, არამედ აქუნდეს ცხოვრება საუკუნო (იოანე 3.16).

ჯვარზე გაკრულმა მაცხოვარმა ნათლად წარმოაჩინა თავისი ამქვეყნად განკაცების მიზანი, რომ მამა ღმერთთან შეერიგებინა ცოდვით დაცემული ადამიანი, ხოლო დედამინაზე მოიტანა ადამიანთა და ადამიანურ ურთიერთობათა, მანამდე არგაგონილი, ახალი კანონი: პატიება, შენდობა, ყოვლისმი-

ტვებელი სიყვარული. ნაკვეთი, შეურაცხოვრილი, ტანჯული ღმერთკაცი ჯვრიდან წარმოაჩენს გასაოცარ ზრუნვას და სიყვარულს თავისი ჯვარმცემლებისა და მტრების მიმართ, და რა თქმა უნდა ზოგადად ადამიანისადმი, სიტყვებით: „მამაო მიუტყევე ამათ, რამეთუ არა იციან, რასა იქმნან“.

უნდა გავაცნობიეროთ, რომ ორგვარი ჯვარის ტარებაა მნიშვნელოვანი, პირველია ხილული ჯვარი, რომლის ტარება ყველა მორწმუნისათვის აუცილებელია, რადგან ვადასტურებთ, რომ ვეკუთვნით ქრისტეანულ ეკლესიას და ჯვარცმული მაცხოვრის მიმდევრები ვართ. მაცხოვრებელი ჯვარის ტარების უფლებას ადამიანი იძენს ნათლისღების საიდუმლოების ჟამს, ხოლო მეორე არის უხილავი ჯვარი, რომელიც მოიცავს ჩვენს ცხოვრებას, თავისი განსაცდელებით, ხორციელი თუ სულიერი უძღურებით, ცხოვრების გზაზე წარმოშობილი წინააღმდეგობებით. ამ უხილავი ჯვარის ტარება, უფლისგან ჩვენ მიმართ გამოვლენილი განუსაზღვრელი წყალობის გამო, უდრტკინველად უნდა შევძლოთ.


პირჯვრის გამოსახვა არის რწმენის სიმბოლო. პირჯვრის წერისას უმთავრესი სულიერი ძალები: ნების, გონებისა, გრძნობის თავმოყრითა და გაძლიერებით, სულისა და სხეულის კურთხევით, ჩვენსა და მამაზეციერს შორის უხილავად ვლინდება ჯვრის სახე: ვალებად უფლისმიერი ნათლისა და სიყვარულისა.

სწორად პირჯვრის გამოსახვის, ჟამს უხვად გადმოდის ჩვენზე მონყალების ღვთაებრივი ნაკადული. გასათვალისწინებელია, რომ სახლში, სალოცავ კუთხეს უნდა ამშვენებდეს მღვდლისგან ნაკურთხი ჯვარი პატიოსანი.

ესაუბრა
შუშუნა ცხადაძე

ზურაბ კირკიტაძის გამოსათხოვარი

ოჯახის წევრებისთვის უცნობი, ასაკოვანი ქალი შემოვიდა პანაშვიდზე. იდგა და ტიროდა. მომსვლელთა ნაკადი ოდნავ რომ შემცირდა, კუბოსთან მივიდა, გარდაცვლილს შუბლზე ხელი დაადო და თქვა—როგორ მოახერხე ჩემი ოჯახის დახმარება, ახლა გინდი მადლობას, ნათელში იყავიო და წავიდა. ასეთი მადლიერი ადამიანები სხვაც ბევრი ჰყავდა ზურაბ კირკიტაძეს, რაც არაერთხელ ნაადგათ ზურაბის შვილებს, შვილიშვილებს, კიდევ დიდხანს გაუკვალავთ გზას მრავალრიცხოვან შთამომავალთ ღირსეული წინაპარი.



პოლიციის მაღალჩინოსანი იყო ზურაბი, მან გაიარა გზა რიგითი ავტოინსპექტორიდან უფროს ინსპექტორობამდე და შინაგან საქმეთა რაიგანყოფილების უფროსობამდე. სიმართლე უნდა ითქვას—ასეთი თანამდებობები და ასეთი გზა, სწორ შემთხვევაში არ არის სიყვარულით გარემოსილი, მაგრამ რჩეულნი ამასაც ახერხებენ. დიას, რჩეული იყო ზურაბ კირკიტაძე, შინაგან საქმეთა ორგანოებში მუშაობას იგი ურთულეს საქმეს უწოდებდა.

უყვარდათ ზურაბი, ჰქონდა დიდი ავტორიტეტი, მუშაობის პროცესშიც, უმუშევრობის პერიოდშიც და ყოველთვის.

ზურაბს იცნობდა ტყიბულის, ხარაგაულის მოსახლეობა, ჰყავდა დიდი სამეგობრო.

პურის და მარილის, სტუმრის ფასი იცოდა, უყვარდა თამადაობა, ნადირობა და მასთან დაკავშირებული ამბების მოყოლა. იყო კარგი მთხრობელი, მოჭარბებული იუმორის გრძნობით.

მაღე ორმოცი დღე გახდებდა ზურაბ კირკიტაძის გარდაცვალებიდან, მწუხარებაა დასადგურებული მის დიდ ოჯახში. დრო ყველაფრის მკურნალი, გააფერმკრთალებს წარსულს, მაგრამ უცვლელი დარჩება მოგონებები ღირსეულ კაცზე, რომელიც ახლა იქიდან, უფლის ნიალიდან მოგვიწოდებს, რომ გვიყვარდეს ერთმანეთი, გვიყვარდეს ყველაფერი, რაც წმინდაა, რაც ნამდვილია, ღირსეული და ამაღლებული...

2024 წლის 10 თებერვალს ზურაბ კირკიტაძე 75 წლის გახდებოდა, ვეღარ მოესწრო. ოჯახმა და უახლოესმა ადამიანებმა ზურაბის დაბადების დღე მის გარეშე აღნიშნეს, რაც დიდი ტკივილი იყო მათთვის...

სამეგობრო

თერჯოლის მოსწავლე-ახალგაზრდობის მუნიციპალური ცენტრის თანამშრომლები სამძიმარს უცხადებენ დალი კუბლაშვილის დის

ნანული კუბლაშვილის

გარდაცვალების გამო.

მანანა და დავით კლდიაშვილები მწუხარებაში თანაუგრძნობენ სულიკო გიორგაძეს, შვილებს და როზა გიორგაძეს მეუღლის, მამისა და ძმის

ტარიელ გიორგაძის

გარდაცვალების გამო.

სსიპ დავით კლდიაშვილის სახელობის თერჯოლის მუნიციპალიტეტის სოფელ ზედა სიმონეთის საჯარო სკოლის პედაგოგიური კოლექტივი, სამეურვეო საბჭო და ტექნიკური პერსონალი სამძიმარს უცხადებენ ამავე სკოლის დაწყებითი კლასების პედაგოგ ელისო ჯანელიძესა და თერჯოლის მუნიციპალიტეტის მერიის თანამშრომელ მერაბ აბესაძეს დედამთილისა და დედის

ვენერა აბესაძის

გარდაცვალების გამო.

„დაგიბრუნდებით, მამულო ჩემო, ჩვენ უსათუოდ დაგიბრუნდებით“ 23 წლიანი ემიგრანტული ცხოვრების გადასახედიდან

ქალბატონი ოკეანეს გალმიდან

„როგორ უსაზღვროდ მენატრება ჩემი
ლამაზი თერჯოლა, ჩემს ალისუბანთან
ერთად!“

„ჩემო საყვარელო ადამიანებო, გილო-
ცავთ შობა-ახალ წელს, ბედნიერებას,
უღვე სიხარულს და ჯანმრთელობას გი-
სურვებო!“



დარეჯან ერგემლიძე წლებია ემი-
გრაციაში ცხოვრობს, თუმცა მას
არასოდეს ურადლებს მიღმა არ და-
უტოვებია მშობლიური კუთხე, სის-
ტემატიურად ეხმარება ახლობლებს,
მეგობრებს, თანამოსაქმეებს. ახარებს
თერჯოლაში მიმდინარე პროცესები,
ინფრასტრუქტურული პროექტები,
რომლებიც კიდევ უფრო ალამაზებენ
იმ თერჯოლას, სადაც დღემდე ახსოვთ
მისი აქტიური საზოგადოებრივი საქ-
მიანობა. დარეჯანი დიდ ენერჯიას ახ-
მარდა მინდობილ საქმეს—მოსწავლე-
თა სწავლა-აღზრდა, მათი სიყვარუ-
ლი მისი განსაკუთრებული ზრუნვის
საგანი იყო. შემდეგ, პარალელურად,
ავადმყოფ ბავშვებზე ზრუნვა იკისრა
და მთელ ძალისხმევას ახმარდა მათი
საზღვარგარეთ სამკურნალოდ გასაგ-
ზავნად დაფინანსების მოპოვებას.
სწორედ მისი ხელშეწყობით მოხდა
არაერთი მოზარდის გადარჩენა და
ჯანმრთელობის შენარჩუნება.
დარეჯანისაგან მისი მეგობრები
ხშირად ვიღებთ მოლოცვისა თუ თა-
ნაგრძობის ტექსტებს, სადაც დიდი
მონატრების, სიყვარულის და თანად-
გომის უსაზღვრო განცდა და სურვი-
ლია გაცხადებული.
ქალბატონი ოკეანის გალმიდან გვე-
ფერება კეთილი სურვილებით...



გვერდის ავტორი
გზია ცაიფურიშვილი



„ჩვენ უცხო ქვეყნის ხიზნები ვართ დარდით ყელამდე,
და აღარ ვიცით როდის მოვალთ ფრენით შენამდე“...
ვეფიქრობ მხოლოდ ეს ორი სტრიქონია საკმარისი გავივით
იმ ქალბატონების განწყობა, სევდა და ტკივილი—სამწუხაროდ,
ოჯახებს მოწყვე-
ტილნი, უცხოეთში
რომ ცხოვრობენ და
მძიმე შრომითა და
მონატრებით წუ-
თისოფლის ჭაბანს
ეზიდებიან. მათ შო-
რისაა ჩვენთვის ყვე-
ლასათვის ნაცნობი
და საყვარელი ქალ-
ბატონი ლუიზა კუ-
პატაძე, რომელიც
მოლოდინითა და
იმედით ელოდება იმ
ბედნიერ დღეს, რო-
ცა დაბრუნდება...
მანამდე კი შრო-
მობს და თავისუფალ
დროს წერს ლექ-

ნატრებასა და გულისტკივილით ცხოვრებისათვის გაენირათ
საკუთარი თავი და მიტოვებული საყვარელი ადამიანები, მე-
ულღე, შვილები, მშობლები და სხვა ახლობლები...
ბოლოს გამოვიდა ისე, რომ უცხოეთში სამუშაოდ გადახ-
ვენილი ქალბატონები გახდნენ ერთადერთი რეალური იმე-
დები საქართველოში ოჯახების უმრავლესობისათვის, და
ასე გრძელდება დღემდე. თითქოს 2-3 წლით მიდიან ოჯახის
პრობლემების მოსაგვარებლად, მაგრამ წლები გადის და ისევ
ემიგრანტებად რჩებიან...
ასე მოხდა ლუიზა კუპატაძის შემთხვევაშიც. თერჯოლაში
წარმატებული, საუკეთესო ოჯახის დედა და მეუღლე, საზო-
გადოების აქტიური წევრი, ავტორიტეტული ხელმძღვანელი,
გონიერი და ამავდროულად შრომისმოყვარე ქალბატონი, რო-
მელსაც ასევე სანიმუშო მეუღლე, გამორჩეული პიროვნება,
ბატონი ვასო არაბიძე ედგა გვერდით.
წავიდა და გაჰყვა სიყვარულის, მონატრებისა და ტკივილის
უსაშველო განცდა, რომელსაც ვერაფრით ვერ ჩასწვდები და
ვერ გაიგებ თუ არ გამოსცადე.
ვინ იცის სურვილებისა და მონატრების რამოდენა სევდაა
დატეული იმ 23 წელიწადში, ემიგრანტული ცხოვრებით რომ
გაატარა და დასასრული ჯერაც არ უჩანს...
ქალბატონი ლუიზას ლექსები ყველაფერს ამბობს.
„ჩემი მონატრება მწუხრის ფერია,
ჯანღისფერია, ფიქრის ფერია,
შვილები დედის გზას გასცქერიან,
თვალცრემლიანი დგანან, კლიან...
დედები სადღაც დარდიან ედგებიან,
ვნებდებით ბედს სხვა რა დაგვრჩენია!
ეს განშორება განაჩენია?
ნუთუ, უვადაო განაჩენია!

სებს, რომელთა ნაკითხვა გულგრილად შეუძლებელია.
ემიგრანტის ყოფა, ქართველი ქალის არჩევანი არასოდეს
ყოფილა და არც იქნებოდა, რომ არა სამწუხარო რეალობა—
გაჭირდა ცხოვრება, ოჯახებში შექმნილმა მძიმე სოციალურმა
მდგომარეობამ გადაადგმევინა მათ ეს ნაბიჯი, თუმცა, უმ-
რავლესობისათვის ნამდვილად არ იყო ადვილი ეს გზა აერჩია:
საყვარელი ადამიანების გარეშე უცხო გარემოში მუდმივ მო-

ჩვენი გაზეთის ამ გვერდზე გთავაზობთ ქალბატონ ლუიზას რამდენიმე ლექსს. იგი ამ ლექსებში ემიგრაციაში მყოფი ქალ-
ბატონების უმეტესობის სათქმელს ამბობს და ამავე დროს საუკეთესო დარიგებასა და გაფრთხილებასაც აძლევს მათ, ვისაც
უცხოეთში წასვლის სურვილი აქვთ... იქნებ ჯობდეს, აქ, სამშობლოში გაისარჯონ, თუნდაც დიდი ძალისხმევითა და ფიზიკური
დატვირთვით ეცადონ ოჯახის პრობლემების მოგვარებას... განა ღირს უცხოეთში ნაშოვნია, იმ ტკივილად, რასაც თავად წასუ-
ლები განიცდიან და არანაკლებად, მათი დატოვებული ოჯახი, ახლობლები, მითუმეტეს მცირეწლოვანი შვილები?!

ემიგრანტობა სასჯელია

ემიგრანტობა სასჯელია და
გულის დამლა,
ვინც ამ სასჯელის მოსახდელად
მიდისარბო ახლა,
გახსოვდეთ, წინ გაქვთ გზა უცნობი,
ეკალ-ბურღებით,
ნახვალთ და მერე სამშობლოში ველარ
ბრუნდებით...
გადიან წლები, კვლავ შენსკენ აქვთ
ხელი განვდილი,
შენ კი დაბერდი, შევლას ელი,
ძალადაცლილი...
ვერ აისრულე დაგეგმილი შენი მიზანი,
და ასე რჩები სიკვდილამდე
სხვისი ხიზანი!

შევესწარი როგორ ყრიდნენ ბერძნები სანაგვეზე ნიგნებს...

მოყირჭებით ძველი სიბრძნე
ახალ ელინებს,
ვხედავ, ჰომეროსს სანაგვეზე
მთარბენინებს...
ვუმძღებო, ველარ ვუჯერებ თვალებს,
ნაგვიდან ვიღებ გაოცებულ
არისტოფანეს,
არისტოტელეს, პლატონს, სოლონს
და ევროპიდეს...
მითხარით როგორ არ გამოვირდეს?!
მე წარმოსახვაც კი მაშინებს და
ტანში მზარავს,
ყველა ზარალი მირჩევნია გონებრივ
ზარალს—
გაშრება სისხლი, გაჩერდება ეს გული,
რაჟამს,
ვიხილავ ამგვარ ყუთში შოთას, ილიას, ვაჟას...
ეჰ, ჩემო ჯიშო, წარმოსახვაც
გონებას მირევს,
შენ არ მიბაძო, ამ ყვეფი ვირებს!
...
ვზივარ და კალმით რაღაცას ვწვავლობ,
მძიმე ცხოვრება გავიიოლო...
სარკმლიდან ვხედავ მზის სხივზე
განვდილს—
რა მაღალი ხარ ვალაკტიონო!
ზეციდან ჟონავს მირონი მაღლის,
ვინ მარგებს მე ამ საოცარ ნაზავს
მთის ძირას, მინდვრის
შველივით მფრთხალი,
მთის წვერზე შემდგარს, შევყურებ ვაჟას...
ჩანგს ვაჩხაკუნებ, სირცხვილით
მთვრალი,
ცასა და მინას შორის ვცემ ბოლთას,
მაღალ კვარცხლბეკზე შევასწარ თვალი
აფორიზმებით დახუნძლულ შოთას.
სასომიხილი შევყურებ მგოსანს,
ვეფხის ტყავით სამოსი მოსავს,

დვას ბუმბერაზი, თითქოს მიცინის,
მეტად მრცხვენია ჩემი სიმცირის...
უცებ ხმა მომწვდა პოეტთა მეფის,
სიტყვა მალამოდ ამ იარების:
—გაქვს შვილი ჩემო, უფლება ნების,
მითქვამს—, ჩვენ მათიც კი
გვიამების!“...

თუ ღვთის ნებით, შევიყარეთ
ვინც მიყვარხართ, ერთად ყველა...
ეს რა ვიცი ბედისწერამ,
ბედის ნიგნში რა ჩანერა!...

გაჭირდა ცხოვრება, ტიალი,
თორემ, ქართველი და ხეტიალი?!

ქართველი, მუდამ მიჯაჭვული
საკუთარ მინას,
გადახვენილა უცხოეთში მსახურებს
ვინცხას!

ხშირად მოდი ბარათო, მზესავით რომ
გამათბო...
მაგრამ ზოგჯერ ბარათი, ტკივილია
მარადი!

უცხო მინაზე სიკვდილს ნუ შემყრი,
სულს ვევედრები მფარველ
ანგელოზს—
ჩემი სიცოცხლის უბელო რაში
სიკვდილს ზემოდან გადააგელოვო!

ხელ-ფეხ შეკრული მწვავე ხუნდებით,
დღეს სხვის მინაზე
ვებრდებ-ვხუნდები...
დაგიბრუნდებით, მამულო ჩემო,
ჩვენ უსათუოდ დაგიბრუნდებით.
ლუიზა კუპატაძე

ემიგრანტის მოთქმა

ცამ ღრუბელი ვერ გადაიყარა,
დანისლულია მთელი სამყარო...
იცლება მინა, სადღაც მიდიან,
რასაც ეძებენ თითქოს ბედია—
გახსოვს შედეგა?
მალვით დატოვა სამშობლო, მარა,
უცხო მინაზე ვინ გაახარა?
ვინ შეითვისა? ვინ შეიყვარა?
შვილის მკვლელად თვლის მთელი
ქვეყანა...
დღეს მეორდება ის ტრაგედია—
შვილებს დარჩება სამკალი ყანა,
არ გტკივა, განა?!
შვილებდაკარგულ დედას არ გავხარ,
რად არ არისხებ მამულო, ზარებს?
შენი დედები სხვის შვილებს ზრდიან,
ჩვენ ვინ გავვიზრდის, იმ ყრმას,
ბაზალეთს?
რამაც დაგვფანტა, მიგვყარ-მოგვყარა,
დღემდე თავი რად ვერ მოგვიყარა?
იქნებ სამშობლომ გადაგვიყვარა?
ვაი თუ ის გზა, ტოლი ვოლგოთის,
დარჩეს—, იყო და არა იყო რა“...

შპს „თერჯოლა“
გამომცემელი: ვალერიან გოგიაშვილი 599 92 49 75
მთავარი რედაქტორი: დავით კლდიაშვილი 599 91 24 14
სარედაქციო კოლეჯია
რეგისტრაციის №53/5/ბ-22
გამოდის თვეში ორჯერ
ელ-ფოსტა: gazetiterjola@gmail.com
კორესპონდენტები:
ი. მარუაშვილი—0(491) 22 15 16
ჟ. ცხადაძე—558 90 82 55
მ. ცქიფურიშვილი—555 28 11 41
აიწყო და დაკაბადონდა რედაქ-
ციის კომპიუტერულ ცენტრში
მისამართი:
ქ. თერჯოლა, კოსტავას ქუჩა №2
დაბეჭდა ქუთაისის
შპს „სომელი ენ“-ის სტამბაში
ქუთაისი, ჭავჭავაძის გამზ. №33
ჩვენი რეკვიზიტები:
„ლიბერთი ბანკი“
LBRTGE22,
ანგარიში
GE32LB0113133960124000
ს/კ 231948872